

19. november 2013

UKA 2013/140  
Per Berthelsen

**Nunatsinni Kulturilerisut (isiginnaartitsisartut, nipilersortartut/erinarsortartut, eqqumiitsuliortut, filmiliortartut, atisaliortut/kusanartuliortut, atuakkiortut, il.il) ullumikkornit qanoq piginnaasaqarfii atorluarnerullugit nunarput tamaat isigalugu agguataakkamik aaqqissuussamillu illoqarfinnut nunaqarfinnullu iluaqutaasumik ineri-titaqarnerunissamik uummarissaanissamillu siunertaqartumik atorluarsinnaaneri pillugit apeqquteqaat aallaavigalugu inatsisartunut oqallinnissamik siunnersuut.**  
(Inatsisartunut ilaasortaq Randi Broberg, Partii Inuit)

Inatsisartunut ilaasortaq Randi Broberg, Partii Inuit-neersoq ullumikkornit kulturilerisunik atorluaasinnaanerunissamik apeqquteqaat aallaavigalugu oqallinnissamik siunnersuummik saqqummiussivoq, kulturilerisut ullumikkornit innuttaasunik amerlanerusunik nuannaaru-taallutillu iluaqutaanerulernissaat siunertaralugu.

Nunatsinni kulturilerisut piginnaanillit amerlasuut nunatsinni periarfissanik naammattunik peqannginneq pissutigalugu nunatsinnit aallarartarnerat Randi Brobergip oqaatigaa, taamatullu oqarneq Siumumit tunngavissaqartoq ilisimavarput.

Kulturilerineq patajaallisarsutsigu ikorfartorlugu inuiaqatigiinni aningaasanik isaatitsivissatut periarfissaqaraluartoq siunnersuuteqartup oqaatigaa. Taamatut eqqarsarnek aamma Si-umumit paasisinnaallugulu tapersersissavarput.

Kulturilerisut suliniutaannik siammarterineq atuinerlu, Kulturikkut illorsuarput Katuaq aqgutigalugu aqgutissiuunneqartariaqarput. Kulturikkut illorsuaq aallaqqaataaniilli Nuum-mut kisimi atorani nunatsinnut tamarmut kulturikkut illorsuartut atuunnissaa eqqarsaa-taavoq. Tamannali ilimagisatsit naammassineqarsinnaasorinangilaq taamaammallu siunnerfigisimasaq tamanna sukumiinerusumik misissuiffigineqartariaqarpoq.

Kulturikkulli illorsuup soorunami suliassat tamaasa kisimiilluni kivissinnaanngilai, taa-maammallu qujanartumik aamma NAPA peqataavoq aammalu aningaasaateqarfiit assi-giinngitsut pineqartumut tapiissuteqartartut periarfissaraavut.

Kulturimi kulturikkulli suliniutinik ingerlatsineq allat assigalugit nioqqutissaapput. Taakku piuaneqanngikkunik ineriartornissamut periarfissaat aamma killeqassapput, taamaam-mallu suleqatigiinneq iluaqutaassappat, illuatungeriit tamarmik matumani iliuuseqaqqaarta-riaqarput.

Uagut Inatsisartut pineqartumi matumani uummarissaajumalluta siammarterisinnaaqqullu-talu aningaasassaqaartitsinermik anguniagaqartussaavugut sinaakkutinillu aalajangersaa-

sussaalluta, pineqartumili suliuniuteqartut allat aamma pilerinninnermik pitsaassutsimillu ujartorneqartussamik pilersitsinissamut akisussaaqataapput.

Siumumit kulturikkut iliuutsit ingammik sunngiffik aallaavigalugu annertuumik inunnit nammineq kajumissuseq aallaavigalugu peqatigiiffeqarnikkut aallussatut pingaaruteqarluinartutut isumaqarfigaarput. Tassuunakkut anersaakkut immersorneqarneq annertoorujusuaq iluarusunnartorlu innuttaasunut piginnaanilinnit misigitinneqartarmat ulluinnarnilu inuunermut nukissanik tunniussaqaqarluni ingammik aamma meeqqat peqataatinneqaraangata nuannaarnermik angisuumik sunniuteqartarnera nalunanngilluinnarpoq.

Assersuutitsialaavoq NAIP Nuummi isiginnaartitsinermik kalaallilu qittataannik takutitsisarnera tamatsinnit nuannarineqarluarluni ingerlanneqartoq aamma sinerissami angalaartarnermikkut nalunngilluarneqalersimasoq taamalu aamma naggueqatitsinnit peqataaffigineqartalersoq maluginiagassaavoq assut tulluusimaarnartoq. Tassuunakkut Siumumit NAIP nersualaassallugu pissutissaqarluarpugut allanullu maligassaasutut isumaqarfigalugu. Soorunami aamma sinerissami assigisaanik iliuutsit KNR-ikkut tamatsinnit malinnaafigisarnissaannik annertusaanissaq pisariaqarpoq nalunanngimmammi aamma sinerissami illoqarfinni nunaqarfinnilu piginnaanilippassuaqartoq takuneqarnissaminnut misigititsinissaminnullu periarfissaqanngitsoortartunik.

Siumumit Naalackersuisut kaammattorusunnarput kulturerput pillugu aporfiusartullu pillugit isumasioqatigiinnissamik pilersitsinissaannik, tassani paasinarsisinnaammat qanoq iliorluni immitsinnut imersoqatigiissinnaaneq eqaannerusoq annertunerusorlu anguniassagutsigu annertuumik oqaloqatigiittoqartariaqarmat.